



Bosanke u raljama prostitucije

Devet Sarajlija vrbovalo djevojke da putem internet-oglasa u Njemačkoj i Austriji daju seksualne usluge

DRAGAN PAVLOVIĆ

Devet osoba iz Sarajeva uhapšeno je u akcijama kodnih naziva Twins (osam) i Pismo (jedna), koje su na području Sarajeva izveli pripadnici **SIPA**, jer su osumnjičeni povezani sa međunarodnim vrbovanjem radi prostitucije i pranja novca. U istim akcijama u Srbiji i Njemačkoj uhapšeno je još sedam osoba.

SIPA je jučer oko 5-6 sati počela realizaciju hapšenja i pretresa objekata. Između ostalog, pretreseni su objekti u Vogošći (uhapšena jedina osoba u akciji Pismo), Boljakovom Potoku (uhapšeni otac i sin), Istočnom Sarajevu... Ove aktivnosti realizovane su istovremeno na području BiH, Srbije, Njemačke i Austrije.

“Ove akcije su rezultat višemjesečne međunarodne istrage na otkrivanju i procesuiranju osoba osumnjičenih za organizirani kriminal, međunarodnu trgovinu ljudima, međunarodno vrbovanje radi prostitucije i pranje novca. Prikupljeni su dokazi da je grupa osumnjičenih iz BiH i Srbije iskorištavala težak položaj žrtava iz BiH, Srbije i Ukrajine, uglavnom djevojaka mlade životne dobi, koje su iskorištavali za pružanje seksualnih usluga na području BiH, Austrije i Njemačke. Prikupljeni su dokazi da su osumnjičeni činili krivična djela u kontinuitetu od najmanje dvije godine. Do sada je identifikovan veći broj žrtava državljanke BiH, Srbije i Ukrajine, među kojima je bilo i žrtava mlađih od 1994. godišta”, saopšteno je iz Tužilaštva BiH.

Članovi kriminalne grupe su na ovaj način ostvarili korist višu od 150.000 eura. Vođa ove kriminalne

grupe je, navodno, iz BiH te je preko ostalih članova iz Srbije i BiH djevojke za prostituciju, osim u Sarajevu, vrbovao u Beogradu, Smederevu, Novom Sadu, Kuli...

Oni imali razraden sistem vrbovanja djevojaka i organizovanja njihove eksploatacije, tako što su na određenim internet-stranicama objavljivali oglase, na kojima su nudili pružanje seksualnih usluga, poput sajta: www.kaufmich.com. Komunikacija između djevojaka i makroa vršena je putem Vibera ili SMS poruka.


Tako su od 2015. do 2016. putem oglasa vrbovali više od 20 uglavnom mlađih djevojaka iz BiH, koje potiču iz siromašnih i razorenih porodica. Vodili su ih u Njemačku i Austriju, gdje

su ih iskorištavali za pružanje seksualnih usluga, a neke od njih su i u BiH prisiljavane da se bave prostitucijom. Djevojke koje su pokušale izaći iz ovog lanca bile su izložene prijetnjama, psihičkom i fizičkom zlostavljanju.

Djevojke koje su pokušale izaći iz ovog lanca prostitucije bile su izložene prijetnjama, psihičkom i fizičkom zlostavljanju



Hapšenje osumnjičenih u akcijama Twins i Pismo



Internet-prostitution in Deutschland